

Pravila i uslovi za dodjelu podrške održivim projektima

1. O konkursu

Projekat Okvir Pomoći 2024. (u daljem tekstu: „Projekat“) je regionalni projekat koji se već četvrtu godinu zaredom odvija na odabranim tržištima Jugoistočne Evrope na kojima posluje NLB Grupa. U okviru konkursa, koji će biti otvoren od 1. februara do i zaključno sa 10. martom 2024. godine, prvostepena lokalna komisija će prvo izabrati 10 finalista na svakom pojedinačnom tržištu. Drugostepena regionalna komisija će nakon toga izabrati 3 regionalna pobjednika od 60 finalista iz Slovenije, Bosne i Hercegovine*, Crne Gore, Kosova, Sjeverne Makedonije i Srbije.

*Dobitnici u Bosni i Hercegovini će se birati na način da 5 dobitnika bira NLB Banka d.d., Sarajevo, dok drugih 5 bira NLB Banka a.d., Banja Luka.

2. Cilj konkursa

Cilj ovog konkursa je pružanje finansijske i komunikacijske podrške izabranim projektima prilikom implementacije njihove vizije regionalnog održivog razvoja, na sljedeći način:

- Sponzorski budžet u ukupnom iznosu od EUR 100.000 za prva tri (3) regionalna pobjednika**:
 - 1. mjesto – EUR 50.000,
 - 2. mjesto – EUR 30.000,
 - 3. mjesto – EUR 20.000.
- Po izboru **povoljan NLB eko kredit i drugi oblici finansiranja** po NLB uslovima za 5 finalista tržišta***;
- **Besplatan šestomjesečni NLB Poslovni paket ili NLB Poslovni račun** za 5 finalista sa tržišta u Federaciji Bosne i Hercegovine/Distrikta Brčko (dostupno novim klijentima koji nemaju poslovni račun/paket u NLB Banci Sarajevo na dan prijave na ovaj tender);
- **Besplatna instalacija 1 standardnog POS terminala** za 5 finalista tržišta u Federaciji Bosne i Hercegovine/Distrikta Brčko (ukoliko već ne prihvataju kartice) kada se zaključi Ugovor o plaćanju robe i usluga karticom uz korištenje **bez provizijske naknade po transakciji prva 3 mjeseca**, nakon čega se obračunava ugovorena provizija
- **Besplatna integracija 1 virtualnog POS terminala** (e-commerce rješenje) za 5 finalista tržišta u Federaciji Bosne i Hercegovine/Distrikta Brčko (odnosi se na nove i na postojeće klijente) uz korištenje **bez provizijske naknade po transakciji prva 3 mjeseca**, nakon čega se obračunava ugovorena provizija
- **Besplatno korištenje NLB Smart POS terminala** za 5 finalista tržišta u Federaciji Bosne i Hercegovine/Distrikta Brčko (odnosi se na nove klijente) **bez provizijske naknade po transakciji prva 3 mjeseca**, nakon čega se obračunava ugovorena provizija
- **NLB Mastercard Business kartica bez naknade za izdavanje** za 5 finalista tržišta u Federaciji Bosne i Hercegovine/Distrikta Brčko (odnosi se na nove i postojeće vlasnike kartica ako nemaju poslovni paket u NLB Banci Sarajevo, a odluče da ga otvore)
- **Komunikacijska podrška** za uvođenje 5 finalista na tržište u Federaciji Bosne i Hercegovine/Distrikta Brčko putem medija NLB Banke Sarajevo i kanala njihovih medijskih partnera za ovaj Projekat (Klix.ba, MaxMedia i InfoMedia Group).

** Podržane kompanije iz BiH će dobiti iznos podrške u protuvrijednosti KM.

***NLB Banka Sarajevo zadržava pravo da donese konačnu odluku o finansiranju na osnovu procjene najnovijih dostupnih informacija o trenutnom i očekivanom poslovanju Vaše kompanije.

3. Uslovi za učešće na konkursu

Privredni subjekti koji se mogu prijaviti su:

- Pravna lica, samozaposlena lica i fizička lica koja samostalno obavljaju poslovnu djelatnost i čije se sjedište ili prebivalište kompanije nalazi u Federaciji Bosne i Hercegovine/Distrikta Brčko;
- Klijenti NLB Banke Sarajevo. Ukoliko bilo koji privredni subjekt koji želi da podnese prijavu nije klijent NLB Banke Sarajevo, mora otvoriti transakcijski račun za pravna lica u NLB Banci Sarajevo ili uzeti bilo koji od NLB paketa u poslovne svrhe prije dodjele podrške.

Finalisti moraju imati otvoren transakcijski račun za pravna lica u NLB Banci Sarajevo ili bilo koji drugi poslovni paket, biti vlasnici NLB Mastercard Business kartice i prihvatati platne kartice na standardnom ili virtuelnom POS terminalu ili putem NLB Smart POS mobilnog terminala 24 mjeseca nakon konačnog izbora. Ukoliko ranije raskinu ugovor, dužni su nadoknaditi popuste ostvarene u okviru ovog Projekta za svaku od korištenih usluga.

Tri (3) regionalna dobitnika koji imaju pravo na finansijsku i konsultantsku podršku, ako dolaze sa teritorije Federacije Bosne i Hercegovine/Distrikta Brčko, dužni su da prenesu u NLB Banku Sarajevo najmanje 50% godišnjeg prometa.

Kandidati mogu dostaviti svoje prijave isključivo putem obrasca dostupnom na web stranici www.nlb-fbih.ba/okvir do isteka roka (zaključno sa i 10.03.2024.). Svaki kandidat može poslati samo jednu prijavu.

4. Rok za prijavu

Prijave se podnose od 1. februara do i zaključno sa 10. martom 2024. godine. Banka zadržava pravo da prekine konkurs prijevremeno bez odabira finalista. Istovremeno, zadržava pravo da skрати ili produži rok za prijavu – u tom slučaju će informacije biti objavljene na web stranici www.nlb-fbih.ba/okvir.

Prijave se podnose isključivo kroz prijavni obrazac. Da bi ušla u proces selekcije, svaka prijava mora ispunjavati sljedeće uslove:

- obrazac mora biti ispravno popunjen sa važećim informacijama i podacima, i
- mora biti dostavljen u navedenom roku

5. Kriterijum za odabir finalista

Prijave prvo ocjenjuje lokalna prvostepena komisija. Prijave koje ne budu poslone u roku i na način određen ovim konkursom neće biti razmatrane od strane komisije.

Kriteriji za izbor privrednih subjekata, koje će komisija koristiti u postupku izbora u prvom stepenu su:

- Klijent NLB Banke Sarajevo ili će postati klijent NLB Banke Sarajevo prije dodjele podrške otvaranjem transakcijskog računa za pravna lica u NLB Banci Sarajevo ili zaključivanjem ugovora o bilo kom poslovnom paketu;
- Podnosilac prijave je pravno lice, samozaposlena osoba ili fizičko lice koje obavlja poslovnu djelatnost, a za koju nije definisan njihov pravno-organizacioni oblik
- Registrovano sjedište kompanije ili adresa prebivališta pojedinca je u Federaciji Bosne i Hercegovine/Distriktu Brčko;
- Posluje najmanje 24 mjeseca;
- Ne bavi se nikakvom djelatnošću za koju se sumnja da krši važeće zakonske, poreske ili druge regulatorne propise i okvire, a čije je finansiranje zabranjeno internim pravilima NLB Grupe;
- Kompanija ili projekt sa kojim se privredni subjekt prijavljuje na konkurs je održiv, ako:
 - Doprinosi ispunjavanju i podržavanju barem jednog od 17 ciljeva održivog razvoja – SDG koje su kreirale Ujedinjene nacije;
 - Prati smjernice Okvira održivog razvoja NLB Grupe u okviru kojih povećava svoj pozitivan uticaj na društvo i okolinu i ograničava negativne efekte;
 - Ima dobro razvijenu održivu ideju, za koju nije potrebno da je ovaj održivi proizvod/usluga već na tržištu;
 - Ima pozitivan, razumljiv uticaj na bolji kvalitet života koji se može mjeriti u Federaciji Bosne i Hercegovine/Distriktu Brčko ili na lokalnom nivou.

6. Procedura odabira i obavještanje kandidata

Nakon isteka roka za prijavu, prijave podnesene na vrijeme će pregledati lokalna prvostepena komisija. Prijave će biti razmotrene najkasnije 10 radnih dana od datuma isteka perioda za podnošenje prijave. Svi kandidati će o rezultatima selekcije biti obaviješteni putem email-a. Ukoliko bilo koji od izabranih finalista ne želi da učestvuje u Projektu, može odustati najkasnije u roku od 5 radnih dana od prijema e-mail poruke kojom se potvrđuje njihov izbor.

Banka nije u obavezi da navodi razloge za izbor, a na odluku komisije se ne može uložiti žalba.

Prvostepena lokalna komisija će izabrati 10 finalista tržišta u Federaciji Bosne i Hercegovine/Distriktu Brčko. U drugom krugu, finalisti će se nadmetati sa finalistima sa svih tržišta Jugoistočne Evrope u kojima posluje NLB Grupa.

Prva tri regionalna pobjednika projekta Okvir Pomoći 2024 izabraće drugostepena regionalna komisija. Pobjednici će biti proglašeni u Ljubljani 9. maja 2024, a finalisti i pobjednici će biti obaviješteni e-mailom.

7. Promotivne i druge obaveze odabranih kandidata

U okviru svog projekta, svaki od 5 finalista odabranih sa tržišta u Federaciji Bosne i Hercegovine/Distriktu Brčko se obavezuje da će:

- Podijeliti svoju održivu korporativnu priču u promotivne svrhe sa NLB Bankom Sarajevo i medijskim partnerima;
- Biti na raspolaganju u promotivne svrhe NLB Banke Sarajevo i medijskih partnera;
- Ukoliko ima potrebe, NLB Grupi i njihovoj marketinškoj agenciji dostaviti svoj brend ili logo kompanije, osnovne informacije o svojim proizvodima/uslugama i, po potrebi, fotografije i/ili video materijal koji im je na raspolaganju. Ovaj materijal će se koristiti na svim tržištima Jugoistočne Evrope na kojima posluje NLB Grupa.

Tri regionalna pobjednika se obavezuju da će sklopiti sponzorski ugovor sa NLB-om, na osnovu kojeg će morati kopijama originalnih računa dokazati da je sponzorstvo striktno korišteno za odabrani projekt. Ukoliko ovaj projekt ne bude isporučen u potpunosti, primalac se obavezuje da vrati primljeni novac.

8. Završne odredbe

Ova Pravila mogu biti izmijenjena u slučaju izmijene regulatornih propisa, njihovog tumačenja, ako to zahtijevaju tehnički, komercijalni ili javni razlozi ili iz bilo kog drugog validnog razloga. Organizator će sve učesnike obavijestiti o izmjenama Pravila putem web stranice www.nlb-fbih.ba/okvir. Smatraće se da su svi učesnici obaviješteni u trenutku objave izmjena na web stranici.

8. Dodatne informacije o konkursu

Kandidati mogu poslati upite o konkursu najkasnije do datuma njegovog završetka na sljedeću email adresu: marketing@nlb.ba